

般若波羅蜜多心經

唐三藏法師玄奘奉詔譯

觀自在菩薩行深般若波羅蜜多時，照見五蘊皆空，度一切苦厄。舍利子！色不異空，空不異色；色即是空，空即是色。受想行識，亦復如是。舍利子！是諸法空相，不生不滅，不垢不淨，不增不減。是故空中無色，無受想行識；無眼耳鼻舌身意；無色聲香味觸法；無眼界，乃至無意識界；無無明亦無無明盡，乃至無老死亦無老死盡；無苦集滅道；無智亦無得。以無所得故，菩提薩埵依般若波羅蜜多故，心無罣礙；無罣礙故，無有恐怖，遠離顛倒夢想，究竟涅槃。三世諸佛依般若波羅蜜多故，得阿耨多羅三藐三菩提。故知般若波羅蜜多，是大神咒，是大明咒，是無上咒，是無等等咒，能除一切苦真實不虛，故說般若波羅蜜多咒。

即說咒曰：揭諦 揭諦 波羅揭諦 波羅揭諦 菩提 薩婆訶、

弟子 謹于 年 月 日誠心恭敬書寫，

恭請阿彌陀佛及十方大如來等慈悲加持；牽引 元神光明，

心性平和清淨，弟子 願以此功德迴向給 及家人子女

富足安康，再以此功德迴向歷代祖先守護神以及累世多生父母，累劫冤親債主法界有緣眾生等同證菩提。